



# PERSEVERA

Un página di kurashámentu i guía spiritual pa  
miembran di Scouting Antiano



Yanüari 2012

Edishon 12 Aña 1

## San Valentino ...E Historia Real (Rutzen Lucas)

San Valentín tabata un saserdote ku tabata traha den siglo III na Roma. Emperador Claudio II tabata goberná i el a disidí pa prohibí selebrashon di matrimonio pa hóbennan, pasobra den su opinion esnan soltero sin famia tabata e mihó sòldánan, ya ku nan tabatin ménos opstákulo. E saserdote a konsiderá ku e dekreto tabata inhustu i a reta e emperador. Den sekreto el a selebrá matrimonionan pa hóbennan enamorá (di einan a bira popular ku San Valentín ta patrono di esnan enamorá). Emperador Claudio a haña sa i komo San Valentín tabata gosa di un gran prestigio na Roma, e emperador a manda yam'é na Palasio. San Valentín a probechá di e okashon ei pa hasi proselitismo di kristianismo.



Maske den prinsipio Claudio II a muestra interes, e ehérsito i e Gobernador di Roma, yamá Calpurnio, a kombensé pa kita kabes di Valentino afó.

Emperador Claudio e ora ei a duna órden pa sera Valentin den prizon. E ofisial Asterius, ku tabata enkargá pa ser'é, tabata ke ridikulis'é i pone Valentin na prueba. El a ret'é pa debilbé bista na su yu muhé, yamá Julia, ku a nase siegu. Valentín a akseptá i den nòmber di Señor, el a debilbé e bista.

E hecho aki a lanta konmoshon serka Asterius i su famia, kende a kombertí na kristianismo. Di tur forma, Valentín a keda prezu i e emperador débil Claudio finalmente a ordená pa nan martirisá Valentin i nan a ehekut'é dia 14 di Febrüari di aña 270. E hóben Julia, agradesidu na e santu, a planta un almendra di flor rosa huntu na su graf. Di einan ku almendra ta símbolo di amor y amistad duradero.

E fecha di selebrashon di 14 de febrüari a keda establese dor di Papa Gelasio pa honra San Valentín entre aña 496 i 498 despues de Kristu. E restunan mortal de San Valentín ta konservá aktualmente den e Basílika ku tin su mes nòmber, ku ta situá den siudat italiano di Terni (Italia). Kada 14 di febrüari ta selebrá den e tèmpep ei, un akto di kompromiso di parti di diferente pareha ku ke kontraé matrimonio e aña siguiente.

E kustumber de interkambiá regalu i kartanan di amor riba 14 di febrüari a nase na Gran Bretaña i Fransia durante Edat Media, entre e kaida di e Imperio Romano i mei mei di siglo XV.

E norteamerikanonan a adoptá e kustumber na prinsipio di siglo XVIII. E avansenan di imprenta i bahamentu di e preis di pòst a kurashá mandamentu di saludo pa San Valentín. For di 1840, Esther A. Howland a kuminsá na bende e promé pòstkartnan na gran kantidat di San Valentín den Estádos Unídos.



Maske ta esnan enamorá ta esnan ku prinsipalmente ta selebrá e dia aki, sin embargo awendia tambe tur esnan ku ta kompartí amistad tambe ta selebrá, ya sea maestronan, mayornan, kompañeronan di trabou i tur esnan ku ta sinti, na e edat ku nan tin, e oló di amor ku, manera flor di primavera, nunca mester pèrdè su perfume agradabel.

Felis dia di esnan enamorá i di amistad!